



Wilma Heini (a san.) surdat il presidi da l'Associaziun grischuna da las uniuns samaritanas a sia successura Barbla Truog da Tschieriv.

FOTO E. GEIGER

Barbla Truog – nova presidenta

Radunanza da l'Associaziun chantunala da las uniuns da samaritans a Tschierschen

■ (mc) La radunanza da delegadas da l'Associaziun chantunala da las uniuns da samaritans che ha gi lieu sonda passada a Tschierschen è stada quest onn en l'ensaina da las elecziuns. L'Engiadinaisa Barbla Truog daventa successura da Wilma Heini al timun dals samaritans grischuns. La presidenta partenta Wilma Heini ha pudì beneventar en la halla plurivalenta bain decorada da Tschierschen/Praden 61 delegadas e delegads. Els han represchentà 33 da las 56 uniuns samaritanas dal Grischun e da la cuntrada da Sargans. En ses votum introductiv ha Heini mess il focus sin l'avegnir da l'uniun, appellond als preschents da tschertgar il discurs direct cun la suprastanza chantunala per uschia surventscher da cuminanza la situaziun

actualmain difficila entaifer l'Associaziun da samaritans da la Svizra. Er il represchentant da l'uniun naziunala Dieter Göldi spera sin ina cooperaziun caracterisada da fiduzia tranter las uniuns cun lur organisaziuns superiuras.

Elecziuns bain preparadas

La suprastanza aveva nizzegia optimalmain il temp tranter l'enconuschientscha da las demissiuns e la radunanza generala per preparar las elecziuns avant porta. Demissiunà avevan la president Wilma Heini, l'actuar Christian Ernst e l'assessur Patrick Läubli ch'era gia sa retratg avant.

Sco nova presidenta è Barbla Truog vegnida elegida. Ella viva a Tschieriv, lavura dapi 30 onns sin il sector da sanadad sco tgirunza, è vicepresidente da

l'Uniun da samaritans Val Müstair ed è er engaschada là sco magistra dals samaritans.

Sco novs commembers vegnan Rolf Müller e Reto Pally elegids. Müller è responsabel per la lavur al post e sco responsabel per l'acziun tar l'Uniun da samaritans da Claustra. Pally da l'Uniun da samaritans Pizol è samaritan da manschi, lavura sco uffizier da sanitad e terminescha il mais proxim la furmaziun sco magister da samaritans. Ils ulteriurs commembers da suprastanza èn vegnids elegids conform a la statutas en globo.

En la cumissiun da gestiun entra da nov Christian Wilhelm da l'Uniun samaritana da Cuira. Il nov incumbens è per comunicaziun e marketing è Ernst Geiger da l'Uniun da samaritans da Flem.